

福建通志

第叁拾壹册  
藝文志

福建藝文志卷一

藝文名志昉自漢書志於各書名下開有注脚或載作者之名字齒甲或著其書之源流指要卽後世所謂解題也今志福建藝文凡分四種一只稱藝文志各書之有解題者分類錄焉二曰存目各書之無解題者分類錄焉三曰板本凡刻於福建之書無論本省人外省人所著均分類錄焉四曰附錄其書專紀福建事而非本省人著者亦分類錄焉四種各自爲篇第云

經部一

易類一 宋

易筮六卷建陽阮逸著直齋書錄解題云每卦各以一古事繫之王應麟曰易著人事皆主商周帝乙歸妹高宗伐鬼方箕子之明夷商事也密雲不雨自我西郊王用享於岐山周事也阮逸云胡一桂曰易筮六卷凡三百八十四筮案逸天聖閒進士

周易通神一卷 歐寧吳秘著石遺室書錄云見宋志其書已佚閩書作五  
卷據閩書秘字君謨景祐元年登第歷侍御史知諫院以言事出知濠  
州提點京東路刑獄因乞閒郡除守同安

周易會元紀蒲田徐復林瑀同著長編云景祐末災異數起上憂之瑀言  
常數不足憂依周易推行五行陰陽之變作書上之案全祖望讀易別  
錄入三式占驗之書案復慶曆間布衣瑀天聖二年進士

易講義二卷 侯官陳襄著經義考云載古靈先生集中僅存師大有謙豫  
隨五卦而已紅雨樓書目作陳古靈易說一卷案襄慶曆間進士

周易注福州劉彝著經義攷云已佚董真卿曰彝字執中有易注一部安  
定門人蔣垣曰懷安劉彝邵武游烈汀州徐唐俱從安定胡先生受業  
易學釋疑仙遊鄭昇著石遺室書錄云其書已佚興化府志云昇字元舉  
仙遊人皇祐元年進士試秘書省校書郎

易義侯官周希孟著石遺室書錄云其書已佚經義攷引蔣垣曰希孟字

公關侯官人通五經尤邃於易與陳襄陳烈鄭穆爲友稱爲海濱四先生謚爲國子監四門助教力辭弟子七百餘人著有易詩春秋義

易訓三卷易補注十卷王劉易辨一卷建陽宋咸著石遺室書錄云三書見宋志今俱佚易辨自序及紹興書目皆作二卷閩書咸所著大爲歐陽文忠所稱賞經義攷引咸自序易訓曰予旣以補注易奏御而男億請餘義凡百餘篇端因以易訓名之蓋言不敢以傳世特教其子而已咸自序易辨曰近世劉牧旣爲鈎隱圖以畫象數盡刊王文直以己意代之業劉者實繁請劉可專門王可焚蠹咸聞駭之摘乾坤二卦中王劉義及鈎隱圖以辨之也凡二十篇余靖序補注曰易之道深矣自漢興有施孟梁丘京氏費高諸家之學列於庠序而傳異端師異說往往入於五行讖緯之術故其學中絕焉王氏之學傳自魏晉盛於隋唐之際大都言陰陽變化人事得失不悖於三聖不蕩於術數故獨爲學者所宗近世言易者復以奇文詭說相尙自成一家之言考之卦繇爻象

彖繫之微有所不通矣今廣平宋君貫之補注周易蓋懲諸儒之失而  
摘去異端志在通王氏之說合聖人之經初著易明數十篇後得唐郭  
京舉正之說意與己合遂採郭氏舉正與易明相參綴於經注之下胡  
旦曰咸讀易疏惡易緯之學而并廢消息之卦豈得爲善觀書者乎晁  
公武曰易訓頗論陸希聲劉牧鮮于侁得失云陳振孫曰劉牧之學大  
抵求異先儒穿鑿破碎故李宋或刪之或辨之玉海云至和元年十二  
月宋咸上注周易十卷詔褒論胡一桂曰易辨宣和四年蔡攸上其書  
曰咸引正義以辨然穎達專以彌爲宗非所以辨二家之得失至謂孔  
子不繫小象於乾卦以尊文王周公不知易本各自爲篇豈孔子旨哉  
咸嘗注揚子法言糾李軌之誤五百餘義蓋亦工於詞人者今案咸上  
補注余序以爲皇祐元年陳振孫以爲五年

易義十卷建安黃晞著石遺室書錄云其書已佚姓譜晞字景微長編晞  
少通經聚書數千卷學者多從之遊慶歷中石介在太學遺諸生以禮

聘召不至後樞密使韓琦表薦之受命一夕而卒

易義一卷邵武黃通著姓譜云通字介夫嘉祐初進士除大理丞

易證墜簡一卷建寧府范諤昌著直齋書錄解題云自序言任職毗陵因  
事退閒蓋嘗失官也又言得於湓浦李處約李得於廬山許堅其上卷  
如郭京舉正下卷辨繫辭非孔子命名止可謂之贊今爻辭乃可謂之  
繫辭又重定其次序又有補注一篇辨周孔述作與諸儒異爲乾坤二  
傳末有四時晷刻圖一篇館閣書目止一卷又有源流圖一卷言納甲  
納音者郭此下卷補注序中語也世或言劉牧之學出於諤昌而諤昌  
之學亦出於放未知信否晁以道邵子文朱子發皆云爾郡齋讀書志  
云其書酷類郭京舉正如震卦彖辭內云脫不喪匕鬯四字程正叔取  
之漸卦上六疑陸字誤胡翼之取之

周易義疏二十卷建寧府范諤昌著東都事略云華山陳搏以象學授种  
放放授許堅堅授諤昌

否泰一十八卦論南安柯述著已佚閩書云柯述字仲常嘉祐四年登第元祐元符中兩知福州歷福建提荆湖南轉運使終朝議大夫直龍圖閣述粹於易著否泰一十八卦以明君子小人之分

易談二十卷莆田徐錡著興化府志云熙寧九年進士官至吏部尚書易解先天圖說一卷舊興化陳易著仙遊圖經云易晚逃禪學與僧有需

同隱所解易主先天說亦宋人圖書之流派也案易大觀三年進士易注一卷仙遊林探著仙遊圖經云是書宏治興化府志及李俊甫莆陽比事俱不著錄案熙寧九年進士

楊龜山易傳將樂楊時著經義攷引黃震曰易自升卦以後闕餘皆全書先生平生最用工於易於程門理義之學多有發明惟其以潛龍爲顏子事見龍爲孔子事九三爲周公居攝事九四爲顏淵未見其止飛龍爲孔子猶天之不可階而升似顯拘又以天行健君子以自強不息爲乾象非聖人不足以盡故取其行健而已似不必於本意上更採高一

等

易說一卷建陽游酢著石遺室書錄云見宋志酢與楊時皆程門弟子

了翁易說一卷延平陳瓘著直齋書錄解題云此卷乃瓘晚年所著止解  
六十四卦辭旨深晦四庫全書總目云瓘字瑩中了翁其自號元豐二  
年進士甲科建中靖國初爲右司諫嘗移書責曾布及言蔡京蔡卞之  
姦章數十上除名編隸合浦以死此本爲紹興中其孫正同所刊馮椅  
謂嘗從其孫大應見了翁有易全解不止一卷多本卦變與朱子發之  
說相類胡一桂則謂尙見其初刊本題云了翁易說並未分卷此本蓋  
卽一桂所見也邵伯溫聞見錄稱瓘說得康節之學沈作喆寓簡則曰  
陳瑩中嘗以邵康節說易講解象數一切屏絕質之劉器之器之曰易  
固經世之用若講解象數一切屏絕則聖人設卦立爻復將何用惟知  
其在象數者皆寓也然後可以論易故曰得意忘象得象忘言方其未  
得之際而遽絕之則吉凶與民同患之理將何以兆恐非筌蹄之意也

然則瓊之易學又嘗質之劉安世不全出邵子矣其造語頗詰屈然晁公武讀書志謂其以易數言天下治忽多驗則瓊於易實有所得非徒以艱深文淺易者今案閩中錄謂所解不及爻傳經義攷謂正同乃其子有是書跋浙江探輯遺書亦作子正同紹興十二年知常州刊於官舍

周易澶州講義一篇延平黃裳著經義攷云載演山集

易傳浦城黃贊著閩書云贊字仲實元祐五年進士爲贛尉罷起爲宣城丞調奉新令嘗著易傳推明大衍之數號爲精確

周易解義三十卷晉江蘇伯材著已佚閩書云字廷構紹聖四年進士知

潮陽擢知韶州

八卦數圖二卷仙遊陳高著石遺室書錄云此書已佚見宋志姓譜云高字可申元符三年進士第除太學博士政和中建醫學除大醫學司業以忤蔡京致仕

易數二卷仙遊陳高著道光通志云是書載焦氏經籍志與八卦數圖疑  
卽一書然宋志與鄭氏焦氏互異特兩存之

易問五卷易傳十卷莆田林震著經義攷云均佚閩書林震字時勇崇寧  
二年進士累官至秘書少監卒震自號介翁

易索隱興化鄭廷芬著已佚閩書云字國華官太學博士至成都路轉運  
使案廷芬大觀三年進士

梁溪易傳內篇九卷外篇十卷邵武李綱著石遺室書錄云據經義攷云  
已佚綱自序略云著易傳內外篇訓釋上下經上下繫說卦序卦雜卦  
總論合爲十卷外篇釋象七明變一訓辭二類占一衍數二合爲十有  
三卷凡二十有三卷直齋書錄解題云今內篇闕總論外篇闕訓辭及  
衍數下卷蓋麗相遷謫時所作其書未行於世館閣亦無之莆田鄭寅  
子敬從忠定曾孫得其家藏本頃倅莆田借鄭本傳錄其書於辭變象  
占無不該貫可謂博矣云云考梁谿集紹興十三年所編其訓辭二序

已云有錄無書則其家亡逸久矣案綱政和二年進士謚忠定

河圖傳一卷邵武李平西著道光通志云是書宋藝文志著於經部易類  
焦氏經籍志入書類閩書載平西父純爲綱之弟知澧州累遷樞密院  
承旨金人攻汴與綱畫守禦策則爲靖康間人也經義考易部有李氏  
平所著西河圖傳恐朱氏偶以西字屬下因據黨籍李平以實之耳又  
湖廣總志選舉表元符進士李平西岳州平江人知澧州宦績傳仍稱

### 邵武人

易說仙遊林師說著經義攷引林光朝志墓云師說字箕仲以進士累遷  
尚書兵部員外郎知建昌軍移知江州改漳州公不喜爲新經偏旁之  
學晚而學易取晉宋以來京房郭璞關子明易包諸家之說而折衷以  
伊川康節之書

易傳光澤李郁著已佚姓譜云郁字光祖少從楊時學時妻以女紹興初  
嘗被召入對便殿還家築室西山學者號曰西山先生其卒也朱熹志

其墓

太學十先生易解十二卷舊興化林自等著經義考引董真卿云林疑獨  
慎微與吳子進袁志行李元量劉仲平路純中洪成季陳子明鄭正夫  
閻彥升共成一書凡十二卷號太學十先生易解道光通志云莆陽比  
事載林自周易解莊子解詩文十卷自字疑獨閩書方亞父傳注林自  
黨附蔡卞與薛昂推尊王安石而擠排元祐終太常博士有周易解莊  
子解詩文集並與莆陽比事合惟董氏稱林氏疑獨慎微則又似名疑  
獨而字慎微也

易說福清黃顏榮著經義攷云已佚閩書顏榮字全仁著易春秋論語說  
莆人宗之稱蘖山先生林栗傳其學

葆光易解十卷莆田張弼著石遺室書錄云此書已佚郡齋讀書志弼字  
舜元章惇薦於朝賜號葆光處士紹興二年黃裳等再薦之詔以爲福  
州司戶本州教授其學易頗宗鄭氏經義攷引林至云馬融虞翻崔憬

多論互體近世張弼專用以解易其說曰大傳二與四同功而異位三與五同功而異位此正論互體不知聖人以六位當否言非爲互體設也董真卿云紹聖三年章惇進其書九卷建本二十五卷黃裳襲原皆序之稱其明於象數古今之說未能當意默誦繫辭二十年一日釋然而悟得大例幾百條毛伯玉謂其專主輔嗣然亦主卦變如朱子發今案是書宋志作易解義遂初堂書曰作易傳通志略作張葆光周易讀書志作張弼易直齋書錄解題作葆光易解義經義考作葆光易解標名互有不同其稱十卷皆同而董真卿與胡一桂則皆云九卷又陳振孫胡一桂及黃裳序均稱字舜元而真卿稱爲汝弼亦一異也

存古易興化鄭厚著經義攷云已佚闕書鄭厚字景章紹興五年舉吏部奏賦第一授左從事郎泉州觀察推官著存古易削象象文言大傳以爲皆後之學易者所作

易解五卷懷安劉藻著闕書云字昭信解易曰見險而止爲需見險不止

爲訟能通其變爲隨不能通變爲蠱案其書已佚案漢紹興五年進士  
周易疑難圖解三十卷大易約解九卷易說二卷三山一作侯官鄭東卿著直  
齋書錄解題云以六十四卦爲圖外及六位皇極先天卦氣等圖各附  
以論說末有繫辭解以爲易理皆在於畫中於是日晝一卦周而復始  
久而後有所入經義攷引馮椅曰東卿字少梅自稱合沙漁父圖解紹  
興丁巳自序其云丘先生者名程字憲古建陽人憲古之學傳東卿東  
卿之學傳潘冠英潘說十三卦處內象極當而少梅所撰無之蓋聞之  
鄉人于公梁國輔于親授之於潘也馬廷鸞曰此書本五行卦氣之說  
而象數義理出焉無朱子發之瑣碎戴師愈之矯僞讀之時有會心者  
案道光通志作二十五卷東卿紹興二十九年特奏名

先天圖註一卷三山鄭東卿著經義攷東卿自序曰東卿自學易以來讀  
易家文字百有餘家所可取者古先天圖揚雄太玄經關子明洞極經  
魏伯陽參同契邵堯夫皇極經世書而已惜夫雄之太玄子明之洞極

做易爲書泥於文字後世忽之以爲屋上加屋頭上安頭伯陽之參同意在煅鍊而入於術於聖入之道又爲異端堯夫毅然擺去文字小術而著書天下又不顧之但以爲律曆之用難矣哉四家之學皆兆於先天圖先天圖其易之源乎復無文字解註而世亦以爲無用之物也今子作方圓相生圖爲先天圖註腳比之四家者爲最簡易而四家之意不出於吾圖之中易曰廣大配天地變通配四時陰陽之義配日月是天地四時日月之理也苟不能髣髴其理詎敢欺我同志乎有意於易者請自此圖始案此書已佚

易說三卷三山鄭東卿著石遺室書錄云見宋志

易抄同安薛舜俞著已佚八閩通志云紹興中登第閩書云舜俞字欽甫教授南劍州三府交薦差江西漕司幹官罷起江東常平幹官改知金華縣罷歸有易抄詩書指

易本旨十六卷易大傳三卷易圖一卷晉江陳知柔著均佚閩書云知柔

字體仁紹興十二年進士授台州判官教授建漳二州知循州徙賀州  
自號休齋居士

易解六卷福州劉翔著經義攷云已佚董真卿曰紹興十五年表進監學  
官看詳云通達經旨附近人情間出新意識論不詭旁涉史傳援證明  
白特差福州教授書藏禁中洪邁爲序

易範莆田鄭畊老著已佚閩書云畊老字毅叔紹興十五年進士明州教  
授以薦召見孝宗擢國子監簿添差福建安撫司機宜文字著詩易中  
庸範論孟訓釋

周易經傳集解三十六卷福清林栗著石遺室書錄栗自序云古者編簡  
重大故六十四卦析爲二篇上篇三十下篇三十四其多寡不齊者非  
取諸卦取諸畫也卦出於象象出於畫八卦之畫三十有六六十四卦  
之象亦三十有六剖而分之各十有八十有八者著之變也揲之所以  
成卦也上篇之象十有八其爲卦三十下篇之象亦十有八其爲卦三

十有四是非私智之所能議矣錯而陳之十有八綜而言之則三六之數也易始於三成乎六三者乾之畫也六者坤之畫也是則爻象之所從起而變化之所由生也文王周公孔子三聖人者於此盡心焉學者不本乎是而言易者妄也臣故紬繹經傳述其指解而為之序臣稟謹敘直齋書錄解題云淳熙中表進其書末卷為六十四卦立成圖言聖人以八卦重為六十四未聞以復姤泰否臨遯變為六十四也以辨邵堯夫朱子發之說其與朱侍講違言以論易不合為朱公所闕也曝書亭集云淳熙十二年四月經進付祕書省有勅褒美觀其書卷帙繁重傳抄者難崑山徐尚書為其弟子納蘭容若彙刻經解黃中是書業開雕矣容若語尚書曰黃中獲罪朱子若刊其書是亦朱子之罪人矣乃笱以斯之然黃中逝後勉齋黃氏為文祭之其略曰嗟哉吾公受天勁氣為時直臣玩彖經之爻象究筆削子獲麟至其立朝正色苟拂吾意雖當世大儒或見排斥著書立言苟異吾趣雖前賢篤論亦不樂于因